

Эркин Воҳидов

ЁШЛИК ДЕВОНИ

ҒАФУР ФУЛОМ НОМИДАГИ БАДИЙ АДАБИЁТ НАШРИЁТИ  
Тошкент — 1969

*Кўйна аруз вазнини ҳозирги  
замон шеъри үслубига яқин-  
лаштириши учун уриниши ўзбек  
совет шеъриятининг тўнғич на-  
мояндалари ижодидаёқ кўрин-  
ган эди. Чўлтон, Гафур Гулом,  
Усмон Носир ижоди бунинг  
исботидир.*

Юрак, сенсан менинг созим,  
Тилимни найга жўр этдинг...

(Усмон Носир)

*Минг йилдан ошиқ тарихга  
эта бўлган аруз вазни мукам-  
мал қурилиши, равон ва муз-  
сиқийлиги билан халққа ман-  
зурдир. Бу вазнини имконият-  
лари жуда кенг. Ўзбек шоир-  
лари бошқа вазнлар қаторида  
арузга ҳам ҳали кўп мурожаат  
қиласидилар.*

*«Ёшлик девони» деб атал-  
миси бу тўпламга Эркин Во-  
ҳидовнинг сўнгги йилларда ёз-  
ган аруз вазnidаги шеърлари  
киритилди.*

## ДЕБОЧА

Истадим сайр айламоқни  
Мен газал бўстонида.  
Кулмангиз, не бор сенга деб  
Мир Алишер ёнида.

Шеърият дуниёси кенг,  
Гулзори кўн, бўстони кўп,  
Ҳар кўнгил арзини айтур  
Неки бор имконида.

Эй мунаққид, сен газални  
Кўҳна деб камситмагил,  
Севги ҳам Одам Атодин  
Қолган инсон қонида.

Тошга ҳам ширин газал  
Бахш айлагай оташ ва жон,  
Шавқ ўти ёнса агар  
Шоир — газалхон қонида.

Рост, ғазал авжида барча  
Ой ила Зуҳро әмас,  
Кўп эрур сомончилар ҳам  
Шеърият осмонида...

Дўстларим, шоир деманг  
Эркин ғазал шайдосидур,  
Еш денгу маъзур тутинг  
Саҳв ўлса гар девонида.

## **ТУН БИЛАН ЙИГЛАБДИ БУЛБУЛ...**

Тун билан йиглабди булбул  
Ғунча ҳажри догида.  
Кўз ёши шабнам бўлиб  
Қолмиш унинг япроғида.

Кўз юмар бўлсам кўзим —  
Олдида пайдо гул юзим,  
Ғунча кўз очмоғи бор  
Булбул кўзин юммоғида.

Аста барг остида тинглаб  
Ётган эрмиш шум сабо  
Ғунча булбулдан муҳаббат  
Дарсин олган чоғида.

Севги саҳросида қолмиш  
Неча Мажнундан ғубор,  
Неча Фарҳод гарди ётгай  
Бистуннинг тоғида.

Ғунчадек чеҳрангга Эркин  
Жон фидо әтгай, санам,  
Қатра қонидан гул унсир  
То муҳаббат боғида.

## **БАРЧА ШОДЛИК СЕНГА БЎЛСИН**

Барча шодлик сенга бўлсин,  
Бор ситам, зорлик менга,  
Барча дилдорлик сенгаю,  
Барча хушторлик менга.

Сен менинг жонимни олгини,  
Мен сенинг дардинг олай,  
Барча соғлик сенга бўлсин,  
Барча bemорлик менга.

Сенга бўлсин барча ҳусну  
Менга бўлсин барча ишқ,  
Кори хунхорлик сенгаю,  
Меҳри пойдорлик менга.

Бу жаҳоннинг роҳатин ол,  
Бор азобин менга бер,  
Сенга бўлсин барча ором,  
Барча бедорлик менга.

Ол ўзинг кошоналарни,  
Менга қўй майхонани,  
Барча ҳушёрлик сенгаю,  
Барча хумморлик менга.

Сенга бўлсин нурли кундуз,  
Менга қолсин қора тун,  
Барча гулшан сенга бўлсин,  
Бор тикаизорлик менга.

Сен шаҳаншоҳликни олгин,  
Менга қуллик бўлса бас,  
Бор жафокорлик сенгаю,  
Бор вафодорлик менга.

Майли, остоангда ётсам,  
Майли, қувсанг тош отиб,  
Бор дилозорлик сенгаю,  
Бор дилафкорлик менга.

Сенга шеърни битсин Эркин  
Йиртиб отмоқ ўз ишинг,  
Касон инкорлик сенгаю,  
Айбда иқорорлик менга.

## **ҒУНЧА**

Барг остидан мулойим  
Боққан иболи ғунча,  
Не сирни сақлагайсан,  
Бағринг нечун тугунча?

Пинҳон сириң баён эт,  
Кўксингни қилма кўп қон,  
Бу ёки ишқ аталган  
Бизга аён тушунча?

Севмоқ уят эмасдир,  
Ҳар кимда бор бу савдо,  
Қўй, кўп қизарма, ғунча,  
Бошингни эгма бунча.

Бўлдингми мен каби ё  
Бир бевафога ошиқ,  
Айт, севганингни сенга  
Парвоси йўқми унча?

Гулгун яноғинг уәра  
Бир томчи ёш күрарман,  
Көл, бирга дардлашайлик,  
Үй-үйда йиғлагуича.

Мен ҳам ахир сенингдек  
Изҳори ишқ әтолмай  
Күксимда дуди оҳим  
Даштлар аро қуюнча.

Эй гүнча, сабр айлаб  
Уммиди васл қилғиіл,  
Хижрону ёр жафоси  
Бизга фақат бугунча.

## СУРМА

Аслида ким қаради  
Етганда хор сурма,  
Бүлди азиэ күзига  
Суртганда ёр сурма.

Күзда қаро на из бул,  
Гун доғидан асарму,  
Майхона кеэдиму ё  
Мастонавор сурма.

Ер күзига етишмак  
Савдо әкан-ку душвор.  
Ениб күмир бўлибди  
Бечора зор сурма.

Ўртама, куйма ортиқ  
Жисмим қаро әкан деб,  
Ишқ йўлида қаролик  
Тақдирда бор сурма.

Минг йил ётиб сенингдек  
Гам тоғининг тагида,  
Сўнг майли бўлсам охир  
Толега ёр, сурма.

Ёр кетди-ю, қолибдир  
Йўл ўртасида Эркин,  
Кўнглида сурмасо кўз,  
Кўзда ғубор сурма.

## **ДИЛДОРГА НОМА ЁЗДИМ**

Гул бүйларини боғдан  
Келтирган эй шаббода,  
Дилдорга нома ёздим,  
Еткур уни ҳавода.

Еткур уни ва лекин,  
Күнглига қайғу солма,  
Шарҳи дилим этарда  
Бўлсин тилинг навода.

Ҳасрат тўла сўзингдан  
Озор топар нигорим,  
Рамзи ишора бирлан  
Қилгин уни ифода.

Гулбарги лолани элт,  
Кўйгин қадаҳ ёнига,  
Юз ҳажрида юрак қон  
Мисли қадаҳда бода.

Барги хазонни олиб  
Енига қўйгину айт:  
Бу ошиғинг юзи деб  
Хижрон деган балода.

Гул шохидан тикан уз,  
Гулбарги лолага санч.  
Кўксимга тиг урайми,  
Хеч қолмади ирода.

Саҳро губоридан элт,  
Хозирлигимни билсин  
Мен дашти Карабалони  
Кезмоққа ҳам ниёда.

Бир тола кипригимни  
Элтиб оёғига қўй.  
Бедор кўзим йўлида  
Ҳар шом ила сабода.

Дилдорга нома ёздим,  
Еткур ўзинг, мен озиэ,  
Гул бўйларини боғдан  
Келтирган эй шаббода.

## **САМАРҚАНД**

Оташин барқ ёнди гулранг  
Чархнинг меҳробида,  
Чарх урар кўнглим хаёлнинг  
Оташин гирдобида.

Субҳидам офтоби кўкниңг  
Гумбазида ёнди, ё  
Ёнди бу феруза гумбаз  
Субҳидам офтобида.

Тонг эмас бу тонгда бўлсам  
Мен хаёл обида гарқ,  
Тонг қилибдиր чунки кўнглим  
бу хаёлдек обида.

Кўҳна шаҳрим, тарихинги  
Кўз юмиб қилсанм хаёл,  
Гарқ кўринди мазлум элнинг  
Кўз ёши селобида.

Бу саройлар гишти элнинг  
Ашқи бирлан хокидан,  
Раңгу бўёги қорилмиш  
Қайгунинг зардобида.

Чулғаниб сокин хаёлга  
Жим ётар соғоналар,  
Не кўрар Мирзо Улуғбек  
Беш асрлик хобида?

Кенг фазони қучди иисон,  
Лек минг йил ўтса ҳам  
Илк муаллимдир Самарқанд  
Илми анжум бобида.

Бош эгиб устоз Улуғбек  
Кошида турдим бу тонг,  
Чарх уриб кўнглим хаёлнинг  
Оташин гирдобида.

## **ЧАШМА**

Ўлтирар сочин тараб ёр  
Чашманинг ўтрусида,  
Чашма ўз аксин кўрар  
Ёр чеҳраси кўзгусида.

Дилдан оққан меҳрдек  
Ёр кўксидан қайнаб оқур  
Чунки кўз очмиш санамнинг  
Кўзлари орзусида.

Икки ирмоқ кўз ёшида  
Ҳажр дардидур аён.  
Васл шавқи зоҳир ўлгай  
Рақсида, кулгусида.

Гоҳи ургай ўзни ҳар ён,  
Билмам, ул девонаму,  
Е хаёли бирла мендек  
Тўлғанур уйқусида?

Сочларинг бирлаш юзингни  
Тўсма, эй хуршид жамол,  
Жилва қилсин, яйрасин  
Бир дам юзинг ёғдусида.

Дилбарим, Эркин дилин сен  
Бир тиник сарчашма бил,  
Акс этар ишқ офтоби  
Қалбининг кўзгусида.

## ЛОЛА САЙЛИ (*Бадиҳа*)

Таклиф этдим тонг билан  
Дилдорни лола сайлига,  
Бошим осмонларга етди  
Ер деганда «майлига».

Кенг жаҳон бўлди мунааввар  
Лутфидан, эвоҳ, қани,  
Сидқи дилдан юрса дилбар  
Доим ошиқ майлига.

Ўйладим шу тонг, неча йил  
Дашту саҳролар кезиб,  
Таклифи сайл айламабдир  
Не учун Қайс Лайлига!

Бу хаёлим ёрга айтсам,  
Кулди-ю, берди жавоб:  
Аҳли ишқ ҳам боққай албат  
Ўз замонин зайдига.

Лола тердик даста-даста  
Кеч билан қайтдик шаҳар,  
Йўлда бир-бир тарқатиб  
Эркин муҳаббат хайлига.

## ЙҮҚ ЭМИШ ОРЗУДА АЙБ...

Сайди ишқ сүлган күнгилга  
Күймангиз беҳуда айб.  
Бўлса банди доми сайёд,  
Йўқ эрур оҳуда айб.

Бандга тушган бу кўнгилдур,  
Менда, айтинг, не гуноҳ,  
Дил қушига дом қўйган  
Ул икки жодуда айб.

Жоду кўзлар банди ёлғиз —  
Сен әмас, тутқун юрак,  
Аввал — охир кўҳна мерос  
Ишқ деган туйғуда айб.

Эй кўнгил, ўз майлинг ила  
Бўлдинг ишқ домига банд,  
Излама энди баҳона,  
Демагин у-буда айб.

Севги дардидан менинг ҳам  
Бўлди рангим каҳрабо,  
Йўқ илож, не наф ўқинмак  
Бўлмаса кўзгуда айб?

Сен-ку Зуҳросан фалакда,  
Интизорингман фақат,  
Не ажаб толпинса кўнглим,  
Йўқ эмиш орзуда айб.

## САРВ

Кеча ойдин, мавжли денгиз,  
Күй түқир бедор сарв,  
Ой келиб сарв узра қўнди,  
Бўлди ойрухсор сарв.

Икки сарвнинг ўртасида  
Мен турибман лолу гунг,  
Бир томон сарв қадли дилдор,  
Бир томон дилдор сарв.

Лолу гунгман, боиси сарв,  
У сени кўргач кеча  
Ерга кирмабдир таажжуб,  
Бу қадар беор сарв.

Бир боқишда ошиқ ўлмак  
Бул ажаблик демагил,  
Бир кўриб қаддингга мангу  
Бўлди-ку хуштор сарв.

Бүй чүзиб ҳар ён қарайдур,  
Бундаман деб айт, санам,  
Қоматингни бир күрарга  
Кечадин хуммор сарв.

Мен-ку ёр васлига келдим  
Сарв тагин хилват билиб,  
Эрта тонг оламга сўйлаб  
Қилмагин ошкор, сарв.

Лабларидан бўса излаб  
Жон сувин топдим бу кеч,  
Сарв тагида баҳтли бўлдим,  
Ҳам бу баҳтга ёр сарв.

Сочу қаддинг ёдин Эркин  
Гар унутса бир нафас,  
Унга сунбул сиртмоғ ўлсин,  
Майли бўлсин дор сарв.

## КИПРИГИНГДАН ЎҚ УЗИБ

Кипригингдан ўқ узиб  
Кўксим аро заҳм айладинг,  
Дилни забт этмоққа балки  
Чоҳ ўйиб лаҳм айладинг.

Ташна кўнглим ичмасин деб  
Кўз ёшимдан қатра ҳам,  
Алк сойининг йўлига  
Кипригим даҳм айладинг.

Сен ўзинг кирдинг кўнгилга  
Ғам сипоҳин бошида,  
Faфлат уйқусида эрдим  
Айт, нечук фаҳм айладинг?

Сен кўнгил мулкини торож,  
Қалб уйин вайрон этиб,  
Пора қилдингу танимни,  
Жонима раҳм айладинг.

Ошиқ ўлдинг эй күнгил,  
Гам лашкаридан қўрқмагил,  
Бари чопқу олдда, Эркин,  
Не учун ваҳм айладинг?

## **БАРГ**

Икки қошинг ўсма бирлан  
Бўлди жуфт наргисли барг,  
Икки баргинг қошида мен  
Титрагайман мисли барг.

Титрамофим боиси ул  
Баргни тебранмоғидир,  
Еки оҳимданму титрар  
Бўйла нозик ҳисли барг.

Барг дедим, аммо билолмам,  
Қай бири хушбўй экан,  
Икки мушкин сунбулинг, ё  
Икки раҳон исли барг.

Ўсмали қош дема, зумрад —  
Нақш этилган саждагоҳ,  
Кам букун меҳробга ихлос,  
Лек бу кўп муҳлисли барг.

Үт юзингнинг шуъласидан  
Бу қорайган қошми ё  
Субҳи байзодек гул узра  
Шоми савдо тусли барг.

Воҳ ажаб, ўз нарғисига  
Банда бўлмиш, не илож,  
Индамай киприк — тикан  
Заҳмин чекар номусли барг.

Икки барг таърифин Эркин  
Шеърга солса тонг эмас,  
Ул бири ташбеҳли баргу  
Ул бири тажнисли барг.

## КҮЗИНГ

Хажрдин тер бу күнгилга  
Шуъла афшондир күзинг,  
Е магар күнглим йўқолган  
Тор шабистондир күзинг.

Хам қоронғу кечадир ул,  
Хам ёруғ кундуз менга,  
Кўзларимда кеча-кундуз  
Чун намоёндир күзинг.

Хусн аҳли ичра тенгсиз  
Сен-ку хоқонсан ўзинг,  
Сеҳр мулки ичра танҳо  
Шоҳу султондир күзинг.

Турфа бу жодуларингга  
Термулиб лолмен букун  
Кўзларим ҳайронлиғига  
Нега ҳайрондир күзинг?

Ҳисларимнинг елканида  
Бир адашган йўлчиман,  
Севги бўронни юборган  
Чексиз уммондир кўзинг.

Кўзларинг юлдузми, йўқ,  
Юлдуз әрур ҳар учқуни,  
Қорачиғ куйган қуёшу  
Мовий осмондир кўзинг

Ер кўзин уммон деб айтдинг,  
Унга сув тўқмоқ нечун?  
Бас, ани кўрганда Эркин,  
Нега гирёндир кўзинг?

## БАНДИ ЗУЛФ

Воҳ ажабким, зулфингга дил  
    Қайта-қайта бўлди банд.  
Неча-неча банд бўлишдан  
    Ул емабдир зарра панд

Ишқ сўзин такрор этибдир  
    Тўтидек ҳаргиз тилим,  
Чунки бу тил лабларингдан  
    Тўти янглиғ сўрди қанд.

Шафқат истарман дилингдан,  
    Гул юзингдан бир висол,  
Кўзларингдан май сўрарман,  
    Лабларингдан нўшҳанд.

Сунбулинг гар дом эрурса,  
    Доимо мен банд бўлай,  
Дард эса ишқинг, бўлай мен  
    Бир умрга дарманд.

Ҳажр күйдиргай эмишидир,  
Васл ўлдиргай эмиш,  
Кел, мени күйдирма, ўлдир,  
Менга ўлмоқ не писанд?

Ўт ёқиб кетдинг юракка,  
Мен тиярман кўз ёшим,  
Чунки истарман, бу гулхан  
Доим ўлсин сарбаланд.

Ташладинг банд айлаб аввал  
Не учун Эркин дилим  
Ӣўлда қолмиш оҳу янглиғ,  
Бўйнида тори каманд.

## **КИМДА ИҚТИДОР ЙҮҚДИР...**

Кимда иқтидор йўқдир,  
Илм или ҳунар зое,  
Иқтидор берурман деб  
Чекма ранж, кетар зое.

Кимда асли толе йўқ,  
Нақди ҳам кетар қўлдан,  
Берганинг билан бўлмас  
Олтину гуҳар зое.

Кимки беҳамиятдир,  
Четдадир назардин ҳам,  
Чунки беҳамиятга  
Солганинг назар зое.

Кимки муз юрак бўлса  
Ўйлама эритмакни,  
Минг қуёш ёқиб қўйсанг  
Қилмагай асар, зое.

Гар қуён юракли эр  
Жазм этар баҳодирлик,  
Үнга аргумоқ эссиэз,  
Тилла нақш камар зое.

Бу «насиҳат»ин Эркин  
Еэди бир сабаб бирлан.  
Кўнглида сезар аммо,  
Шеъри бесамар, зое.

## **СЕНГА БАХТДАН ТАХТ ТИЛАРМАН**

Сен ғанисан, менда бисёр эҳтиёж.  
**НОДИРАБЕГИМ**

Сенга бахтдан тахт тиларман,  
Толедин бошингга тож,  
Мулки ҳуснингга омонлик,  
Тожу тахтингга ривож.

Тожу тахт ташбеҳидин сен  
Кўҳна деб кулсанг нетай.  
Сен ахир шоҳи жаҳоним,  
Мен қулингман, не илож?

Не иложким, давлатим йўқ  
Ганжи меҳримдин бўлак,  
Бул эваздин кўз тўлайдур  
Қатра-қатра дур хирож.

Кўзларим айлар ҳамиша  
Арзи муҳтоҷлик сенга,  
Айт-чи, жоним, борми сенда  
Кўз ёшимга эҳтиёж?

Күп насиҳат тинглаб Эркин  
    Қилмади ҳеч тарки ишқ,  
Бор масалким, иш юришмас,  
    Соҳиби гар бўлса кож.

## **ДОСТОНГА ЁЗ**

Кел, мұхаббат лаэзатин  
Таъриф әтиб достонга ёз,  
Турфа гуллардан тикиб,  
Хар байтини бўстонга ёз.

Севги назмига жаҳоннинг  
Гулситони етмагай,  
Нур қалам бирлан мұхаббат  
Шарҳини осмонга ёз.

Лолагун айлаб яна  
Мағрибу машриқ уфқини,  
Бир ғазал васлига бахш эт,  
Бир ғазал ҳижронга ёз.

Таърифи ишқ дардига  
Этгин юрак қонин сиёҳ,  
Дилга ёз дилбар сўзин,  
Жонон сўзини жонга ёз.

Дардни сен ҳар кимга айтиб  
Оҳу фарёд этма кўп,  
Куйса жонинг, жонажонинг,  
Шавқи жон жононга ёз.

Баҳрасиз олдида, Эркин,  
Очма кўнгил дафтари,н  
Неки ёзсанг, дил сўзини  
Англаган инсонга ёз.

## **ДАВРОН ЮКИ**

Айланур инсон бошидан  
Минг аср осмон юки,  
Дона буғдой узра гүё  
Санги тегирмон юки.

Дона буғдой дема, бу бош  
Етти минг оламча бор,  
Бор унинг ҳар нуқтасида  
Етти минг даврон юки.

Ҳазрати Инсон қошида  
Саждага бош әгди чарх,  
Чунки инсон қалбида ишқ,  
Бошида урфон юки.

Нур қадам бирлан елар  
Чексиз фазо бўйлаб замин,  
Елкасида бешта қитъа,  
Тўрт буюк уммон юки.

Күк тарозу палласидур,  
Бу замин бир тош анга,  
Чарх посангисида  
Юз минг туман инсон юки.

Шунча юк мушкул эмас,  
Лекин эзар Ер сийнасин  
Бегуноҳ кўксига томган  
Қатра-қатра қон юки.

Ер уза юксалмиш Инсон  
Бир қўлида нур — чароғ,  
Бир қўлида бор унинг  
Маҳшар била тўфон юки.

Эй табиат, Она Ер,  
Сен бер мадад, тарк этмасин  
Хеч қачон Одам дилин  
Виждон юки, имон юки...

Бас, хаёлга чўкма, Эркин,  
Битмагай олам ўйи,  
Кенг жаҳон сиғган кўзингни  
Босди тонг мужгон юки.

## **ДҮСТЛАРИМГА**

*Насиба жән Анивар үчүн*

Күнгил, оч дүстларингнинг  
Васфига сен назм дафтари,  
Қалам гул шохидан күнгил,  
Сиёҳ қыл мушк анбарни.

Қуй, эй соқий, қадаҳни,  
Бу кеча ҳаттоғи осмон ҳам  
Лабо-лаб косада майдек  
Күтәрди моҳи анварни.

Фалак юлдуздан ўт ёқмиш  
Букун түйнинг қозонига,  
Сомон йўлин шакар айлаб  
Чўмичдек тутди Ҳулкарни.

Бу оқшом не учун рақс  
Этмасин сайёralар хандон,  
Музайян бир узукка  
Кўндириб покиза гавҳарни.

Бу осмон неча минг йил  
Чарх уриб күрмабди бир бора  
Баҳор гулзорида ўсган  
Бу янглиғ тоза гулларни.

Жаҳон гулзорларин кездинг,  
Букун бахтдан қувон, дўстим,  
Насиб әтмиш сенга, Анвар,  
Баҳор гул юзли дилбарни.

Ҳаёт жомин кўтар, дўстим,  
Тилак қил, севги бор бўлсин.  
Сира тарк әтмасин бу баҳт  
Насиба бирла Анварни.

## **САМАР БҮЛГАЙ**

Сенингсиз менга ком йўқдир,  
Асал ичсам заҳар бўлғай,  
Сенинг бирлан, ширин сўзим,  
Заҳар ютсан шакар бўлғай.

Юзингга бир умр боқсам  
Тўюрми кўз, қонурми дил,  
На ундан белги пайдо-ю,  
На бундан бир асар бўлғай.

Икки ёр васлини истаб  
Икки ишқ сўзин эшитсан,  
Икки кўзим кўру, икки  
Қулоғим майли, кар бўлғай.

Кўзинг учганда кўнглимни  
Олиб киприкларингга қўй,  
Кошу мужгонларинг кўнглим  
Кушига болу пар бўлғай.

Тирилса ногаҳон Фарҳод,  
Юзингни кўрса кўзгуда,  
Кечиб Ширинидан юз йил  
Кўйингда дарбадар бўлғай.

Ҳабибим банд этар кўнглим,  
Табибим панд этар доим,  
Билолмасман, бу савдода  
На суду на зарап бўлгай.

Муҳаббат ногаҳон дилда  
Ёзиб куртак, очибдир гул,  
Умидвор Эркининг, жоно,  
Бу гулдан бир самар бўлғай.

## **ХИЖРОН ЮКИ**

*Айлатым жондин жудо  
Этичнча жонондин жудо.  
**НАВОИЙ***

Розиман, тушгунча дилга  
Ногаҳон ҳижрон юки,  
Ногаҳон, майли, танимдан  
Айру бўлсин жон юки.

Мен бўлай жондин жудо  
Бўлгунча жонондин жудо,  
Не керак жон, эзса жоним  
Бир умр армон юки.

Лаҳзаи ҳижрон юкига  
Бистун укпарчадур.  
Бир қадоқлик тошча келмас  
Ер билан осмон юки.

Офтоб ҳижронида тонг  
Сабзаларга қўнди нам,  
Ўйлаким, киприкларимни  
Эғди тонг гирён юки.

Хажрда ўтган нафасни  
Йил билан ўлчар күнгил,  
Айрилиқда шеър битибман,  
Унда бир девон юки...

## **НЕТАЙ**

Мен севарман жондан ортиқ,  
Севганим сүймас, нетай?

Хам севиб мен севмаган  
Үз ҳолима қўймас, нетай?

Бул менга жонин фидо айлар  
Ва лек мен беилож,  
Мен ёнарман ишқ ўтида,  
Севганим куймас, нетай?

Бул менинг ёнимда ҳаргиз,  
Эрта-кеч парвонадир,  
Шафқат айлаб мен сари ул  
Бир қадам қўймас, нетай?

Бу юрак оҳига етмай  
Енса кўнглим бир томон,  
Бир томон дил ҳасратимни  
Дилбарим туймас, нетай?

Бошим айланди маним,  
Дүстлар бу ишқ савдосида,  
Севди бул, мен севмадим,  
Мен севдим, ул суймас, нетай?

## **ПАРИШОНЛИК**

Доимо дедим, бўлма  
Ошино, паришинлик,  
Бўлди ошино дилга  
Доимо паришинлик.

Дилрабо хаёлида  
Не ажаб, паришинмен,  
Ошикор этар доим  
Дилрабо паришинлик.

Мен ўзимча дилбарнинг  
Ёди бирла мағурмен,  
Дейдилар, қилур пайдо  
Кибр-ҳаво паришинлик.

Кулса эл паришинлик  
Одатимга, тонг йўқдир,  
Аҳли дилга албатта  
Нораво паришинлик.

Бевафо нигор ёдин  
Тез унутмоқ истармен,  
Лек менда йўқ бу хил  
Бебаҳо паришонлик.

Ҳажр дардига қилмас  
Васлидан шифо, энди  
Бир даво хаёли-ю,  
Бир даво паришонлик.

Ёди бирла ҳуд бўлсам  
Жабри бирла беҳудмен,  
Қилди сернаво ёди,  
Бенаво — паришонлик.

Зулфиму паришонлик  
Одат этди, ё кўнглим  
Айлади паришонҳол  
Бу қаро паришонлик.

Келди қай куни бу дард,  
Хотиримга келтирмам,  
Банд этибди Эркинни  
Мутлақо паришонлик.

## ЕШЛИГИМ

Ешлигим, кел, куйга тўлган  
Қалбим олтин сози бўл,  
Мен қўшиқ айтай тўлиб,  
Бир лаҳза жўр овози бўл.

Дилга оқсин баҳтли умрим  
Куй бўлиб, оҳанг бўлиб,  
Сен унинг «Оромижон»и,  
«Гулёр»у «Шаҳнози» бўл.

Орезу-истакдин-ку шодон  
Дилга боғлабсан қанот,  
Бу тилак осмонининг  
Доим баланд парвози бўл.

Кетмагин асло, ҳаётим  
Гулшанин тарқ этмагин,  
Бир умр мен бирла қолгин,  
Бу кўнгил ҳамроzi бўл.

Ешлигим достонига мен  
Шуъладин йўндин қалам,  
Эй саҳар уфқи, унинг сен  
Зарварақ қоғози бўл.

Ешлигим, сен менга берган  
Куч, шууринг, гайратинг  
Халқу юртга бахш этолсам  
Шунда мендан рози бўл.

## **ХАЁЛ**

Кечалар киприкларимда  
Тарки хоб айлар хаёл,  
Үз ҳаётимдан ўзимга  
Сарҳисоб айлар хаёл.

Қисса айтур мозидин гоҳ,  
Эртадин афсона гоҳ,  
Гоҳ савол айлар кўнгилга,  
Гоҳ жавоб айлар хаёл.

Кўкда сузган ойни кўзга  
Бир кичик фонус этиб,  
Пирпираб ёнгувчи шамни  
Моҳи тоб айлар хаёл.

Май тўла жом ичра тўфон  
Мавжини пайдо қилуғ,  
Тонг шафак алвонини  
Гулгун шароб айлар хаёл.

Минг асрлар кори ҳолин  
Килгай у бир сония,  
Лаҳзанинг мазмунини  
Минг бир китоб айлар хаёл.

Неки забт этмиш шуур,  
Боис хаёл ўлса не тонг,  
Дилга парвоз айла деб  
Мангу хитоб айлар хаёл.

Бу шитоб асрим хаёлга  
Этдиму тезликни бахш,  
Билмадим, асримни олға  
Е шитоб айлар хаёл.

Бор әкан инсон қўлида  
Орзу ёққан чароқ,  
Бу чароқни, ўйла бир кун  
Офтоб айлар хаёл.

Мен хаёлни шеърга солдим,  
Ўйпарат бўлма ва лек,  
Бесамар бўлса сени  
Бир кун хароб айлар хаёл.

Бўлгин, Эркин, ҳар нафас  
Эзгу хаёлга ошино,  
Пок эса ният, сени  
Олижаноб айлар хаёл

## ШОҲИ ГУЛ

Оташин гул уздим, ол, бу —  
Шоҳи гуллар шоҳи гул,  
Гул сочиқ йўлларда бўлсин  
Гул юзим ҳамроҳи гул.

Шоҳи гул эрмас бу, ўтлуғ —  
Юзларинг ҳижронида  
Интизор боғ кўксидан —  
Чиққан фифону оҳи гул.

Ишқ әлиниң қатра-қатра  
Қонидан унган чечак,  
Севгининг ошиқ кўнгилларга  
Оловли чоҳи гул.

Билгали кўнглингни кирсам —  
Боғинг ичра ҳар замон —  
Шоҳи гулга ёлворурман,  
Сирларинг огоҳи гул.

Бу жаҳон гулзорида  
Ҳар бир чечакнинг ўрни бор,  
Хоҳ тикандир, хоҳ печакдир,  
Хоҳи япроқ, хоҳи гул.

Гул эмас, Эркин қўлингга  
Тутди ўтдек қалбини,  
Оташимдан қўрқма, ол,  
Ол, куймагайсан, Моҳигул.

## **УЙГОТМАГИЛ...**

Тушда кўрдим дилбаримни,  
Эй сабо, уйғотмагил,  
Олма бир дам васл шавқин,  
Қўй, мени қўзғатмагил.

Неча кунлар ахтарурман,  
Кўзларимда уйқу йўқ,  
Уйқуда топдим ниҳоят,  
Энди сен ажратмагил.

Сочларин бўйнимга боғлаб  
Шод эрурман бу кеча,  
Қўй чаманлардан, сабо,  
Гул атрини тарқатмагил.

Севганим, хуршид жамолим  
Васлидан хушиуд кўнгили,  
Сен қуёшни кўзларимга  
Бир нафас кўрсатмагил.

Лабларимда кулгу, гүё  
Тушда қанд күрган гүдак,  
Күй, шакар лабдин аюрма,  
Сен мени йиғлатмагил.

Гар йүқотсам бу кеча мен  
Қайга боргум ахтариб,  
Тушда күрдим дилбаримни,  
Эй сабо, уйғотмагил.

## ҚАЛАМ

Улфатимдир шам янглиғ  
Кечалар танқо қалам,  
Мен-ку шеър мажнунидирман,  
Сарвқад Лайло қалам.

Аҳли шеърга то қиёмат  
Улфат ўлмакдир азоб,  
Не илож әтсин, бошида  
Бор әкан савдо қалам.

Рост, қалам тимсоли шеър,  
Тимсоли тиғ, тимсоли ҳақ,  
Бошини минг кесдилар,  
Бош әгмади асло қалам.

Ер, диёр меҳрини куйлаб  
Умримиз бўлгай адo,  
Мен на истисно әрурман,  
Сен на мустасно, қалам.

Янгасин Эркин сўзинг,  
Асло тилинг лол ўлмасин.  
Даст кўтар даврон юкини,  
Этма қаддинг ё, қалам.

## **УЗУМ**

Термулар шабнамли япроқ —  
Остидан пинҳон узум,  
Лабларингга етмоқ истаб  
Тонг саҳар гирён узум.

Офтоб машшотаси  
Ток сочини нурдан тараб,  
Зангининг бўйнига осмиш  
Шодаи маржон узум.

Тоқи ишком мисли осмон,  
Ҳар тараф анжум сочур,  
Воҳ ажаб, бу не синоат,  
Ер узум, осмон узум.

Тарк этиб кўшкин, саватга  
Кўйди бош, излаб сени  
Чарх уриб бозор ичида  
Бўлди саргардон узум.

Кимки ошиқликни даъво  
Айласа шулдир жазо,  
Оқибат хум ичра бўлди  
Маҳкуми зиндан узум.

Хум ичида неча йил  
Хун бўлмоқ эркан қисмати,  
Лабларингга етди охир  
Бир ниёла қон узум.

Бир қадаҳ гулгун шароб  
Тутдим сенга, бир ҳўпладинг,  
Толеимдан воладурман,  
Бахтидан ҳайрон узум.

Эй дилором, сенга Эркин  
Тутди майдек шеърини,  
Дил хумида неча йил  
Қон бўлди бу девон — узум.

## **ДҮСТ БИЛАН ОБОД УЙИНГ**

Дүст билан обод уйинг,  
Гар бўлса у вайрона ҳам,  
Дүст қадам қўймас эса,  
Вайронадир кошона ҳам.

Интизор ҳар уй диловар,  
Дилкушолар базмига,  
Гар оёқ қўйса қабоҳат  
Йиғлагай остона ҳам.

Яхши дўстлар даврасида  
Очилурсан ҳар замон ,  
Кўркни шода ичра тонгай  
Марварид дурдона ҳам.

Сўрма мендан, ким дилоро,  
Дўстми ё жонона деб,  
Дўст менинг кўнглимдадир,  
Жонимдадир жонона ҳам.

Қочна ростгүй дестларнинг  
Коҳишу озоридан.  
Қадди рост шамнинг тилидан  
Ўртанур парвона ҳам.

Дўст қидир, дўст топ жаҳонда,  
Дўст юз минг бўлса оз,  
Кўп эрур бисёр душман  
Бўлса у бир дона ҳам.

Ким сенга ҳамроэ эмасдир,  
Боғараэ деб ўйлама,  
Гоҳи душманлик қилурлар  
Кўл сиқиб дўстона ҳам.

Дўсти содиқ йўқ экан деб  
Ўртаниб куйма ва лек,  
Меҳр уйин кенг очсанг Эркин,  
Дўст бўлур бегона ҳам.

## **РАШКИМ**

Сени ётлар тугул ҳатто —  
    Қилурман рашк ўзимдан ҳам,  
Узоқроқ термулиб қолсам  
    Бўлурман ғаш кўзимдан ҳам.

Кўзим ёнгай сенга наргис —  
    Кўзин тикса чаманларда,  
Яширмам, лолага рашким  
    Аён бўлгай юзимдан ҳам.

Дегайларки, чаросу,  
    Ол гиолос олмиш лабингдан ранг.  
Лабинг тегса ҳасад қилгум  
    Гиолос бирлан узумдан ҳам.

Сени жоним дедим ёлғиз,  
    Сени қалбим дедим танҳо,  
Чимирдинг қош, пушаймонман  
    Қўпол айтган сўзимдан ҳам.

Висол онида күз очса,  
Не тонг, тонгдан күнгилда ранж,  
Жудо қилгай мени ой юз,  
Хумор күз юлдузимдан ҳам.

Сенга ўн түртда боғландим,  
Хануэ эркин бўлолмас дил,  
Ўзим доғман, ақл кирмас,  
Тўзимсиз ўттизимдан ҳам.

## **ЯНА ҚАЛАМГА**

Барги гул қоғозим үлснин,  
Шоҳи гул хоро қалам,  
Лафзи бўлбул бирла қилсин  
Ишқ сўзни ишишо қалам.

Оразин тасвири этарда  
Барги гул чок-чок ўлиб,  
Қоши таърифиин айлаб  
Йигласин шайдо қалам.

Ҳажр таҳририда гирён,  
Жабр тақририда хун,  
Васл тасвирида бўлсин  
Булбулигўё қалам.

Бежавоб ишқ дардини  
Туплар баён этдик иков,  
Бу азобларни билар  
Елғиз мену танҳо қалам.

Шеър ила шод ўлдинг Эркин,  
Килмадинг дунё ҳавас,  
Бор экан кўксингда оташ,  
Сен учун дунё қалам.

## **ШИРИН**

Дилкушо дўст, дилрабо ёр —  
Бирла кечган дам ширин.  
Дўсту ёр бирлан ҳаёту  
Сийнаи олам ширин.

Севги завқи бир томону  
Бода кайфи бир томон,  
Қай бири ортиқ шириндир,  
Қай бириси кам ширин.

Икки гулгун чеҳра бўлса,  
Ўртада гулгун шароб,  
Мен учун майдин ҳам ортиқ  
Суҳбати ҳамдам ширин.

Бу жаҳонда, дейдилар,  
Ҳар кимда бор бир ўзга таъб,  
Менга май, булбулга тонг  
Гул баргида шабнам ширин.

Севгининг дарли фақат  
Бейшқұ учун бегонадир,  
Ишқи ёр бўлса фироқ —  
Чекканда ҳатто гам ширин.

Сўйла, дўст, гулгун шаробиниг  
Кайфидан ортиқ на бор?  
Бўсадан лабларда қолган  
Жон сувидек нам ширин.

Эй гулим, севгим ҳақи,  
Майдан мени қилма жудо,  
Менми ул ортиқ дема,  
Сен ҳам ширин, ул ҳам ширин.

## УЧ БАЛОДАН САҚЛАСИН

Уч балодан сақласин,  
Чархи балокаш бўлмасин,  
Дўст меҳрсиз, дардсиз улфат,  
Ёр жафокаш бўлмасин.

Дил агар пайванд эрурса  
Не жафо чекмак фироқ,  
Хеч кўнгил севган кўнгил —  
Ёнида яккаш бўлмасин.

Севги барқу оташида  
Ўртанишни ғам демам,  
Ошиқона бу дилим  
Бебарқу оташ бўлмасин.

Қирқта жоним бўлса ҳар бир  
Кокилингга бир пилик,  
Толасига ўзгаларнинг  
Кўнгли чирмаш бўлмасин.

Неки дард бор, неки кулфат  
Бу жаҳоннинг кунжида.  
Мен бўлай юз минг гирифтор,  
Лек маҳваш бўлмасин.

Мен ёниқ қалбимни тутдим  
Сенга кафт узра қўйиб,  
Ол уни, ўйнаб ва лекин  
Ўтга ташлаш бўлмасин.

Ёрни офтоб дединг, Эркин,  
Куймагин ҳижронида,  
Офтоб тоҳ беркинур,  
Бундан дилинг ғаш бўлмасин.

## **ЗАМИН ВА ФАЗОГИР**

**Замин:**

Сенга тахтиравон, кошонадурман,  
Сенга мангу ватанман. хонадурман.  
Таажжуб қилмагин бағримга тортсам,  
Боламсан, ҳар на қылса онадурман.

**Фазогир:**

Күкингда чақнаган дурдонадурман,  
Саҳар Зұхроси янглиғ әнадурман.  
Қуёш атрофида парвонасан, Ер,  
Сенинг тегрангда мен парвонадурман.

**Замин:**

Самовот узра қалб монанд әрурман,  
Сенинг меҳру ўйингга банд әрурман  
Фазода уч балаңdroқ, лочиним, уч,  
Боқиб парвозингга хурсанд әрурман.

**Фазогир:**

Заминим, мен сенга фарзанд эрурман,  
Онамсан, то абал дилбанд эрурман,  
Ақл бирлан енгиб торыш кучнегни,  
Күнгил бирлан сенга найванд эрурман.

## **ХАЗИНА**

*Шарқ құйғаулары маңызы да*

Варақларни очурман  
Тозарib ғылларни чангидан,  
Бу дониш маңзани сүзлар  
Менга афсона яигидан.

Бири сүйлайди тарихдан,  
Бириси илми аңжумдан,  
Бириси ишқ савдоси,  
Бири шаҳнома жаигидан.

Қулоқ тут, саҳфалардан  
Нола-ю үтлиғ фиғон бирлан  
Садо келгай Ироқу  
Шому, Ҳиндү, Рум, Фарангидан.

Үқиб «Девони Бобир»,  
Ҳам варақлаб «Номан Бобир»  
Эшит булбул навоси-ю  
Киличларининг жарангидан.

Навоий шам каби ёниб  
Хазондек сарғайиб сўлмиш,  
Варақлар ҳам олибдур  
Соҳиби девони рангидан.

Фузулий Карбало даштин  
Қуюндек кезди Қайс бирлан,  
Дили ҳеч тоимади таскин  
Даврнинг бода, бангидан.

Ўқиб тарихни, Эркин,  
Саҳфаларга боқмагин ҳайрон,  
Эрур оқ давр чангидан,  
Сариғдир жавр зангидан.

## **ХОФИЗГА**

Минг Самарқанд, минг Бухоро  
Ҳадя этгум ҳол учун,  
Лек нигоримда ҳавас йўқ  
Мулку давлат, мол учун.

Сенга юлдузли самони  
Совға айларман десам,  
Нозланиб, ўлдимми, дейди  
Бу чўтир рўймол учун.

Гар ҳилолдин сирға тақмоқ  
Истасам айтур санам:  
Зормидим жездан ясалган  
Ҳийлаи аъмол учун.

Ул париваш чеҳрасини  
Ойга этгандим қиёс  
Бир умр узр айтадурман  
Бу хато тимсол учун.

Ҳажрда қаддимни дол  
Этдинг, десам, бергай жавоб:  
Ким қўйиблур севгини  
Қадди букилган чол учун.

Ер истиғносидан  
Ўлмасману, куйдим ва лек —  
Лобарим олдида наэмим  
Бу қадар беҳол учун.

## НА ҚИЛСИН

Ишқ аҳлидир паришион,  
    Ўзга бино на қилсин,  
Шеър аҳлидир девона,  
    Кибру ҳаво на қилсин.

Ҳусн асли бевафо-ку,  
    Гар унга бўлса мағрур  
Ҳусн ахлининг ўзида  
    Сидқу вафо на қилсин.

Ишқ оғатига ошиқ  
    Дил амри бирла киргай,  
Дард ила шод экан ул,  
    Малҳам, даво на қилсин.

Кўрсам ўзингни — шу бас,  
    Кўнглимда бошқа ўй йўқ,  
Айб этмагин тикилсам,  
    Кўзда бало на қилсин.

Ер васлидан тополмас  
Эркин дилига таскин,  
Афсус демакдин ўзга  
У мубтало на қилсин...

## **ЗАМОН**

Айланур чарҳи фалакнинг  
Давридек мангу замон,  
Гоҳи «кажрафтор»у, гоҳи  
«Золим»у, «бадҳу» замон.

Не учун аҳли замон дер  
Ўз замонин бевафо  
Тутмаса Хайёмга май деб  
Косада оғу замон.

Урдию Мирзо Улугбекка  
Падаркуш ханжарин,  
Қабри узра ҳам ўзи  
Минг йил чекар қайғу замон.

Ким дегай қаттол уни,  
Бобирни у қон йиглатиб,  
Қилмаса Машрабни Офоқ —  
Олдида кулгу замон.

Күп жафолар күрди олам,  
Күз юмиб қилсам хаёл,  
Мисли сайёд тиги мажруҳ —  
Айлаган оху замон.

Йүқ, на дору макру фитна,  
На қилич, на тиф бакор,  
Шеър қолур, шоир қолур,  
Гарчанд кечур вақту замон.

Вақт, замон олий ҳакам,  
Бул кун фано топгай ғазал,  
Гар ғазал узра қүёшдек  
Сочмаса ёғду замон.

Ханда ур, жүш ур, юрак,  
Озод заминдур бу замин,  
Назм туз, Эркин, ахир,  
Эркин замондур бу замон.

## **РУБОБИМ ТОРИ ИККИДУР...**

Рубобим тори иккидур:

Бири қувноқ, бири маҳзун,

Ки байтим сатри иккидур:

Бири дулхуш, бири дилхун.

Нигорим чашми иккидур:

Бири яғмо, бири жоду,

Бу жодудан икки кўзим

Бири Сайҳун, бири Жайҳун.

Жаҳонда икки дилбарнинг

Бири сенсан, бири, Лайло,

Жаҳонда икки ошиқнинг

Бири менман, бири Мажнун.

Жаҳонда икки юлдуз бор:

Бири сенсан, бири Зуҳро,

Мисоли икки нуқтамнинг

Бири остин, бири устун.

Жаҳоннинг меҳри иккидур:  
Бири сенсан, бири офтоб,  
Тарозу палласи икки:  
Бири ердур, бири гардун.

Макони икки лочиннинг:  
Бири қоя, бири осмон,  
Қаноти икки шоирнинг  
Бири ўлка, бири очун.

Ғазал битмакда сачрабдур  
Кўзимдан ёш, дилимдан ўт,  
Шу боис икки сатримнинг  
Бири қатра, бири учқун.

Келиб боғ сайридан Эркин  
Ғазалга тўлқин излардим,  
Кириб келди икки дўстим,  
Бири Сайёр, бири Тўлқун.

## **СЕВГИНИ ТОРТИБ БҮЛУРМИ...**

Севгини тортиб бүлурми  
Тошу тарозу билан,  
Меҳрни ўлчаб бүлурми  
Зар билан, инжу билан?

Айт, қачон кўнглимга солдинг  
Ишқ ўтин, эй соҳира,  
Дил ўзи боғландиму, ё  
Боғладинг жоду билан?

Мен сенга кўнглимни очдим,  
Ҳа деб айт, ё йўқ деб айт,  
Бунча қийнайсан дилимни,  
Ўртама кулгу билан.

Нега сенга тик қаролмам,  
Юзларинг офтобми, ё  
Офтоб аксин кўзга солдинг  
Ўйнашиб кўзгу билан.

Васл умидин тарк этолмай  
Интилар күнглим сенга,  
Умрини ошиқ ҳамиша  
Үтказур орзу билан.

## **ОЙНИНГ ЎН БЕШИ ҚОРОНҒУ**

«Умрини ошиқ ҳамиша  
    Үтказур орзу билан».  
Ойнинг ўн беши қоронғу,  
    Ўн беши ёғду билан.

Севгида күксингга томган  
    Кўз ёшингдан фойда йўқ,  
Ишқ ахир шундай оловки,  
    Ўчмагай у сув билан.

Заҳмати ишқ дард эрурса  
    Заҳмати шеърдур даво,  
Чунки, оғунинг шифоси,  
    Дейдилар, оғу билан.

Барча заҳмат менга бўлсин,  
    Майли, доим мен яшай,  
Бу ажиб тотли азобу  
    Бу ширин қайғу билан.

Ешлигим — умрим наҳори,  
Ишқу шеърсиз не ҳаёт?  
Тонгни ёлғиз ғафлат эҳли  
Ўтказур уйқу билан.

Ерни мен жоним деб айтсан  
Илтифот деб ўйлама,  
У яшар менсиз ва лекин  
Мен тирикман у билан.

## ГУЛНОРИНИ ЪП...

Үйқуда топсанг нигоринг  
Аста гулнорини ўп,  
Очмаса чашмин, юмуқ ул  
Чашми хумморини ўп.

Сен-ку уйғоғида восил  
Бўлмагайсан лаълига,  
Уйғониб аччиқ сўз айтмай,  
Лаъли шаҳдборини ўп.

Рўзгоринг қора қилмай  
Зулфини кўксингга бос,  
Кўксингга ботмасдан аввал  
Киприги хорини ўп.

Васл уйи мангу әмасдиғ,  
Ишқ дами боқий әмас,  
Қоматинг ё бўлмасидан  
Қоши зангборини ўп.

Тақдир умрингнинг хатига  
Нуқта қўймасдан бурун  
Хатти бирлан лабга посбон  
Холи раҳдорини ўп.

Ернинг уйқуси ғанимат,  
Сен бу тун бедор бўл,  
Бир-бир айтмайман, дилингга —  
Хуш надир, борини ўп.

Уйғониб сўнг майли, Эркин,  
Дорга оссин ёр сени,  
Кўзга сурт сиртмоғини-ю,  
Тиз чўкиб дорини ўп.

## **ШЕЪР АЗИЗ ОЛАМ ОРО...**

Шеър азиз олам аро  
Менга тириклик, жон қадар,  
Жон недир ошиқ учун,  
Жондин азиз жонон қадар.

Шеърдин айру төнгларим  
Ялдо тунидай зим-зиѣ,  
Шеър билан тунлар чароғон  
Хуршиди тобон қадар.

Шеър үзи жонон әмасму,  
Ендирап ҳижронида,  
Гоҳи боқса бир қиё,  
Бошим бўлур осмон қадар.

Кимки ошиқдур жаҳонда,  
Шеърга бўлгай мубтало,  
Ишқ учун тенгдур гадодан  
То буюк султон қадар.

Шоҳ Бобир Ҳинду сори —  
Юрди-ю, шоир ва лек  
Йиглади Фарғонадин то —  
Мулки Ҳиндистон қадар.

Не учун шам оташида  
Ўртагай парвонани,  
Ул сабабким, шам ўзи ҳам  
Ўртанур гирён қадар.

Шеър зулолидан симиридим  
Бир пиёла тўлдириб,  
Воҳ, кўринди менга ҳар бир —  
Қатраси уммон қадар.

Нуқта қўй назмингга, Эркин,  
Мухтасарлик сўзга зеб,  
Йўқса тонг отгунча шеъринг /  
Бўлғуси достон қадар.

## САЙР

(Рахматуллаға)

Қилмадим бир бор үшал  
Гул юзли зебо бирла сайр,  
Қонмагай дил, айласам  
Минг битта Лайлло бирла сайр.

Не бўлур бир лаҳза кеъсам  
Ҳусн шоҳи бирла мен,  
Этмаганму сайд чоғи  
Қул шаҳаншоҳ бирла сайр.

Бадниятлар даврасида  
Шоду хандон ул нигор,  
Гоҳ қилур Етти қароқчи  
Шўх Сурайё бирла сайр.

Ер блан сайр этмоғимга  
Ҳеч умидим қолмади,  
Мен ўзим Мажнун каби  
Айлайми саҳро бирла сайр.

Сайр этарман күча-күйда  
Ер хаёли бирла шод,  
Қилмагай ҳеч ким ёнида  
Шунча тилло бирла сайр.

Мен-ку ёр ишқига ғарқмен,  
Сайр истарман яна.  
Тош ҳам орзулар әкан  
Қилмоқни дарё бирла сайр.

Бу замон күнглингда, Эркин,  
Қолмагай зарра ғубор  
Айласанг бир бор дўстинг  
Раҳматулло бирла сайр.

## **СЕВГИ**

Севги шундай навбаҳорки,  
У тикандин гул қилур.  
Тошга жону тил бағишилаб,  
Зофни ҳам булбул қилур.

Севги шундай дард әрүрки,  
Барча бўлгай мубтало,  
Мубталони неки қилса  
Телба бу кўнгул қилур.

Севги шундай тангридирикки,  
Унга тенгдир шоҳ, гадо,  
Қулни айлаб шоҳу султон,  
Шоҳни бўлса қул қилур.

Севги шундай бир оловки,  
Жонга ундан йўқ омон,  
Гулханида ўртаб-ўртаб,  
Бир кун охир кул қилур.

Севгинингдур ҳукми мутлақ,  
Истаса шайдоларин  
Чашми гирёнидан уммон,  
Оҳидан довул қилур.

Севгига шеър битдинг, Эркин,  
Бесабаб эрмаски, ишқ —  
Айлагач кўнгулни ишғол,  
Шеър ила машғул қилур.

## **ГУЛЛАР БАЗМИ**

Гул фасли санам  
Сайр ила гулшанда бўлибдур,  
Ғунча кўз очиб,  
Гул юзида ханда бўлибдур.

Гуллар ичида  
Шоҳи ўзим дер эди лола,  
Мағрурлигидан  
Ул ўзи шарманда бўлибдур.

Карнай гулининг  
Оғзи очиқ, волаю ҳайрон,  
Наргиснинг, ажаб,  
Икки кўзи санда бўлибдур.

Саф-саф тизилиб  
Сафсар оёғингга қўйиб сар,  
Банд-банд узилиб  
Жони билан banda бўлибдур.

Қирқ бошларимиз,  
    Қирқ дея қирқ оға-ини гул,  
Тифингга улар  
    Бари сарафканда бўлибдур.

Гул базми аро  
    Кўп кулар эрди гули қаҳ-қаҳ,  
Кўрганда сани,  
    Одати ҳам канда бўлибдур.

Юз жилва билан  
    Нозли хиром этса печакгул,  
Шоҳигул анинг  
    Рақсига хонанда бўлибдур.

Қалқиб келадир  
    Сувда нилуфар сенга пешвоз,  
Оқ шоҳида ҳур  
    Сайр ила елканда бўлибдур.

Гулшанда кезиб  
    Хўп сара гулдаста тузибсан,  
Эркиннинг эса  
    Шеъри пароканда бўлибдур.

## ГУЛЧЕХРАЛАР

(Гулчехра шоираларға)

Гул бүлиб, гулгул ёниб,  
Гулшан аро Гулчехралар,  
Гул узиб ўйнар, қўйиб  
Гулга бино Гулчехралар.

Қай бириси қай бирига  
Ошиқ эркан, билмадим,  
Гулми ё Гулчехраларга,  
Гулга ё Гулчехралар.

Айтингиз, ким гул демас  
Қилса хиромон боғ аро  
Лабга ол суртиб, қўйиб  
Қўлга хино Гулчехралар.

Куйга лаб очса улар  
Гулшанда булбул сайрамас,  
Бош эгиб тинглар чаман  
Тузса наво Гулчехралар.

Бунча ҳам оқил әканлар,  
Олдилар ақлу ҳушим,  
Бунча ҳам дилга яқин  
Бу дилрабо Гулчехралар.

Қай бирин ортиқ құяй,  
Йүқ, тенг әкан шеър бобида  
Нодира, Маҳзунаю  
Зебуннисо, Гулчехралар.

Бу чаман гулларга кондир,  
Очилиб яшнанг мудом,  
Гул бўлиб, гулгул ёниб  
Гулшан аро Гулчехралар.

## **ИШҚ ИСТИЛОСИ**

Кўнгул мулкини торож —  
Айлаган ишқ истилосидир,  
На бўлгай охири, бу  
Истилонинг ибтидосидир.

Дегайлар дўстликдан —  
Бошланур ишқ, акси эрмасми,  
Биз энди дўст деди ёр,  
Оҳ, бу севги интиҳосидир.

Баланд парвоз ёр  
Дил қуши, кўзларни дом айлаб  
Уни сайд айламоқ ё  
Ҳар кўнгилнинг муддаосидир.

Нечун ҳусну садоқатни  
Эгиз тугмабди бу олам,  
Табиат қасдидир ёки  
Бу ҳам битта хатосидир.

Кўнгил дардини айтиб  
Йиғламасман кўчаю кўйда,  
Ўзи кўнглимга дард солган,  
Ўзи бу дард давосидир.

Топиндим ёр — санамга мен  
Мұҳабbat саждагоҳида,  
Билинг, динсизлар осиймас,  
Мұҳаббатсизлар осийдир.

Жафо қил, майли, дилбар,  
Васл умидин қўймаган Эркин,  
Етар йўлингда кўнглим,  
Бир ширин сўзниң гадосидир.

## ТОНГ ҒАЗАЛИ

Қўниб гул узра булбул  
Ишқ қитобини вароқлабдур.

Юмуқ тонг кўзлари  
Ўтлиқ навосидан чароқлабдур

Паридек нозу истиғно әтиб,  
Тонг лола рухсорин

Ювіб шабнам билан  
Бир томчи шабнамдек яроқлабдур.

Шафақ кўзгусида  
Ўз ҳуснига ошиқ бўлиб боқмиш  
Ва тоғларни тароқ айлаб,  
Сочи заррин тароқлабдур.

Париваш юзи жабридан  
Кўзим арз айласа тонгга,  
У ҳам кўзим қаролаб,  
Ул пари юзини оқлабдур.

Фирғида күйіб дерман:  
У қайси сирли қудратким,  
Уни менга яқин айлаб,  
Мени ундан йироқлабдур.

Ажаб, тонг хобида Эркин  
Күрибдур ёринни, әвоҳ,  
Күэ очса ёри йўқ,  
Икки қўли ёстиқ қучоқлабдур.

## **ДИЛДА ИШҚ ДАРЁЧАДИР...**

Аҳли шеър балки китобим  
Назми ишқ деб очадир,  
Йўқ, китобим севгининг  
Девонига дебочадир.

Кўзларинг орзусида  
Туздим наво, зебо санам,  
Настарин кўз очиб айтсин,  
Шеъри ҳам зебочадир.

Балки у зебоча әрмас,  
Балки у бир гунчадир,  
Хуснинг офтобида аммо  
Кун сайин зеб очадир.

Воҳ, ажаб, номингни айтсам  
Лол бўлур тил ҳам кўнгил,  
Шеър ипи ногоҳ қаламнинг  
Игнасидан қочадир.

Эркининг девонидан ҳеч  
Тўлмаса кўиглиинг не тонг,  
Тилда шеър бир қатра бўлса,  
Дилда ишқ дарёчадир.

## БАҲОНА ҚИЛМАС

Чин маъшуқ улки ошиқ  
Ашкин равона қилмас,  
Чин ошиқ улки ишқин  
Элга фасона қилмас.

Чин дилбар улки доим  
Сўзида устивордир.  
Айлаб висолга ваъда,  
Сўнг юз баҳона қилмас.

Чин шоир улки, ўсган  
Богини васф қилгай,  
Нақшин қафас ичидা  
Булбул тарона қилмас.

Кўзимни тийра деб ёр  
Этмас юзига кўзгу,  
Киприкларимни тиф деб  
Сочига шона қилмас.

Куртак ёзиб күнгүлда  
Гул очди ғунча ишқим,  
Уммид күзим үшанды,  
Токай нишона қилмас.

Қоним шаробин ичсанг,  
Тотсанг жигар қабобим,  
Забұ әтмай үзни Эркин  
Баэмі шаҳона қилмас.

## **ЭЙ КАБУТАР**

Эй кабутар, шеърим олиб  
Ёр дилхоҳимга ет,  
Ёр менинг оҳимга етмас,  
Энди сен оҳимга ет.

Ошиқ аҳли ичра тенгсиз  
Бир гадоданман деб айт,  
Ҳусн мулки ичра ҳеч бир  
Тенги йўқ шоҳимга ет.

Гоҳи ҳудман, гоҳи беҳуд,  
Шавқу дардим шарҳ қил,  
Гоҳи оҳимдан хабарсиз,  
Гоҳи огоҳимга ет.

Кўрмасам бир дам жамолин  
Моҳи йўқ тундуր у кун,  
Бахтим осмонида кун-тун  
Хуршиду моҳимга ет.

Эй кабутар, дүстларимни  
Софиниб қолдим букун,  
Сен бу софинч шеърим олиб  
Дүстим Иброҳимга ет.

.

## ТОЛА СОЧ

Ул пари авлодиданму,  
Е башар фарзандиму?

**ХАБИБИЙ**

Айт, бу сочинг толасиму,  
Жон ипин бир бандиму,  
Еки сочинг толасига  
Жон ипим боғландиму?

Тола-тола сочларингдан  
Дил йўқотмиш тинчини,  
Е бу толанг дил қушига  
Қил тузоқ монандиму?

Кеча чиқдинг соч учига  
Пахтадин боғлаб пилик,  
Ҳеч қачон эъзовли пахтам  
Шунча ардоғландиму?

Сочларинг ишқи, билолмам,  
Менга роҳат, ё азоб,  
Бу илоннинг жонга солган  
Захриму ё қандиму?

Соч мени девона этгай,  
    Е магар шоир қилур,  
«Ул пари авлодиданму,  
    Е башар фарзандиму?»

## **ЛОЛА**

Дейман: сахар шафақдан  
Учқунми, лоласанму,  
Шодлик майига түлган  
Гулгун пиёласанму?

Дейди: қизиқ саволинг,  
Қайда ажаб, хаёлинг,  
Еллар күриб бу ҳолинг  
Кулмоқда, боласанму?

— Сўзимни қаттиқ олма,  
Бошингни қу́йи солма,  
Бунча қизарма, лола,  
Мендан уёласанму?

— Сен, айт-чи, қайси ёғдан,  
Қайси чаман ва боғдан?  
Кулсанг дедим, шу тоғдан  
Тушган шалоласанму.

— Билсанг, уйим шаҳарда,  
Келдим сенга сахарда,  
Юр хўп десанг агарда,  
Е шунда қоласанму?

Кўксингда, майли, инсон,  
Сенга фидо қилай жон.  
Баргимни шеър ёзилган  
Дафтарга соласанму?

Дема фақат варақдан,  
Жой олғусен юракдан,  
Учқунмисан шафақдан  
Еинки лоласанму  
Еқут пиёласанму?

## КҮЗГУ

Ерми күзгуга боққан  
Ерга ё боқар күзгу,  
Ер юзини күрганда  
Сув бўлиб оқар күзгу.

Ой жамолининг акси  
Күзгу бағрига тушди,  
Рашк ўтида бағримни  
Ўртару ёқар күзгу.

То тирик әкан жоним,  
Күзгудек дўст изларман,  
Оқ кўнгиллиги бирлан  
Кўнглима ёқар күзгу.

Қанча осма күзгуни,  
Қанча қоқма мих бирлан,  
Ҳақ юзинг этиб ошкор,  
Мих қилиб қоқар күзгу.

Күзгудек тиник шеър ёз,  
Күзгудек чин айт, Эркин,  
Шунда назм маржонинг  
Дур қилиб тоқар кўзгу.

## **БИР ГҮЗАЛКИМ**

Бир гўзалким, ҳуснидан эл  
Лол эмиш, ҳайрон эмиш,  
Ишқи бирлан диллар обод,  
Хонумон вайрон эмиш.

Нуқтадек бир холи бормиш  
Ғунча лабнинг устида,  
Ул бири ошкор эмишдир,  
Ул бири пинҳон эмиш.

Санги дилнинг ҳасратида  
Қанча диллар дард чекиб,  
Кўзларининг фурбатида  
Қанча кўз гирён эмиш.

Барча шайдоларнинг оҳи  
Жам эса маҳшар бўлиб,  
Хуни дил кўз ёшлиридан  
Бир буюк тўфон эмиш.

Қилғай әрмиш мутриби ишқ  
    Ұз мақомини ироқ,  
Шул сабаб оқанги ушшоқ  
    Гиряи афғон әмиш.

Күйида ётмиш күнгиллар  
    Мисли синган күзгудек,  
Воҳки ҳар бир парчасида  
    Ул руҳи тобон әмиш.

Ул гўзал олмослик әрмиш,  
    Ким парилар зотидан,  
Ғойибона ошиқ Эркин  
    Толиби даврон әмиш.

## ҚУЁШ

Дилбарим ҳуснига күкда  
Маҳлиё бўлсин қуёш,  
Маҳлиё эрмас, кўйида  
Бир гадо бўлсин қуёш.

Кўрмаса бир дам жамолин  
Мен каби зор йиғласин,  
Абр ичига беркиниб  
Мотамсаро бўлсин қуёш.

Гар ҳавас қилса нигорим —  
Ҳуснига, барқ урсин ул,  
Рашки келса куйсину  
Ёнсин, адо бўлсин қуёш.

Ул кеча ёр васлига  
Етдим деганда отди тонг,  
Қилди дилдордан жудо,  
Юзи қаро бўлсин қуёш.

Дейдилар, ишқ оташидан  
Офтоб ҳам тафт олур,  
Гар исинмоқ истаса  
Қалбимга жо бўлсин қуёш.

Бор ишончим, бир куни  
Ёнгай қуёш Қутб узра ҳам,  
Муз юракларга ва лекин  
Нораво бўлсин қуёш.

Сўнмасин олам чароги,  
Тинмасин нур чашмаси,  
То муҳаббат умридек  
Умри бақо бўлсин қуёш.

## ИЗХОРИ ИШҚ

Дилга илк бор тушди ногоҳ  
Дард аталган кори ишқ,  
Дард дебон ким айтмиш они,  
Дардларимга дори ишқ.

Ошиқ ўлмакму азоб, ё  
Ишқсиз ўлмак изтироб,  
Зори ишқ бўлгай кўнгил,  
Гарчанд чекар озори ишқ.

Ишқ ўти тушган кўнгилга  
Ўзга дард бегонадир,  
Мен бўлибман воҳ ажаб,  
Дардманди шеър, bemori ишқ.

Ишқ сўзин шеъримга солдим,  
Ишқ билан ёндим ва лек —  
Билмам ошиқлик надир,  
Билмам надир асрори ишқ.

Шеър ёзилган саҳфаларга  
Гул ўраб келдим букун,  
Пайт кутиб ночор турарман  
Қилгали изҳори ишқ.

## ҮРТАДА БЕГОНА ЙҮҚ

Күйида мен тош бошимни  
Урмаган остоңа йүқ,  
Элда бор шундай масал:  
Жон чекмасанг жонона йүқ.

Севги водийсида менга  
Тенг бўлолгай қайси Қайс!  
Кўнглим очсан, икки дунё  
Бу каби афсона йүқ.

Шаҳр ичида ҳолатимдан  
Кулмаган бир оқилу  
Хилват ичра менга улфат —  
Бўлмаган девона йүқ.

Не ажабким, маст бўлибман  
Кўзларингга термилиб,  
Етти иқлимда бу янглиғ  
Май йўғу майхона йўқ.

Ишқ ғамин айтсам қаламга  
Ич этин күйдирди ул,  
Севгидек ўт йўқ жаҳонда,  
Мен каби сўзона йўқ.

Оқ қоғозим, сенга Эркин  
Очди пинҳон ишқини,  
Сен бору мен бор, қалам бор,  
Ўртада бегона йўқ.

## **ТАРОҚ**

Сочларинг ёдида тунлар  
Кўксини доғлар тароқ,  
Кеча йиғлаб тонгда бир бор  
Кўнглини чоғлар тароқ.

Зулфингга етдию тонгда,  
Бўлди чеҳранг ошиғи,  
Ҳасратин кўзгуга айтиб  
Ўзни қийноғлар тароқ.

Ул тароқ эрмас сочингда,  
Балки ёшли кипригим,  
Йўқса не боиски зулфинг  
Шунча ардоғлар тароқ.

Рашк этиб бадкор тароққа  
Гоҳи кўнглим ғаш бўлур,  
Жонга пайванд сочларингни  
Нега тирноғлар тароқ?

Кошки бўлсайдим тароғинг,  
Тоғ бўлур эрди кўнгил,  
Чунки офтоб соchlарига  
Не ажаб, тоғлар тароқ.

## **ВИСОЛ СОГИНЧИ**

Ёр васлини соғинсам  
Сайр этайму боғ-роғ,  
Боғ-роғ сайр этганимдан  
Кўнглим ўлмас чоғроғ.

Хушламас ҳижронда кўнглим  
Лолазор сайрини ҳам,  
Чунки бағрим лоларнинг  
Бағридан ҳам дөғроғ.

Гар соғинчим шарҳин айтсам  
Ёндирап Фарҳод ўзин,  
Ё очай Мажнунга дардим,  
Ул-ку мендан соғроғ.

Дардлашурга дўст қани-ю,  
Диллашурга ёр қани,  
Топганим ул ошнароқдир,  
Бул эса ўртоғроғ.

Интизорлик дардин, Эркин,  
Хадди йўқ, поёни йўқ,  
Ер озор топмасин деб  
Мен қўшарман «роf-роf».

## **МАСАЛ БОРКИМ...**

Ажаб, васлингга мен энди  
Етишганда күринди моҳ,  
Масал борким, оғиз ошга,  
Бурун тошга тегибдир, воҳ!

Кулиб юргай әдим бир вақт  
Ўқиб Мажнун жунунидан,  
Дегайлар, ўзгадин кулма  
Ўзингдан бўлмайин огоҳ.

Севинг, деб шеър битиб аввал,  
Ўзим бўлдим асири ишқ,  
Ўзи тушгай әмиш охир  
Бирорга кимки қазгай чоҳ.

Париваш зулмидан бўлди  
Кўнгул мулки паришонҳол.  
Демишлар мулк вайрондир  
Агар золимлик этса шоҳ

Бўлибсан ошиқ, Эркин,  
Уз умид жондин ўқинч қилмай,  
Ўзингга, дейдилар, душман  
Кейин чеккан пушаймон, оҳ.

## **НАСИХАТ**

(«*Күлгү мүшоуралары*»дан)

Қўлни ишга моҳир этма,  
Тилни гапга уста қил,  
Ишни бир қилган жойингда  
Гапни албат юзта қил.

Бошлифинг олдида топмоқ  
Истасанг сен эътибор,  
Қоматинг юз турли буккин,  
Сўзни ҳам минг тусда қил.

Жилмайиб тур ёнида, ҳеч  
Очма танқидга оғиз,  
Таклифинг бўлса ўзига  
Астаю оҳиста қил.

Тур деса тур, ёт деса ёт,  
Чиқма зинҳор измидан,  
Ҳеч фикр қилма ўзингча,  
Қилма бир иш мустақил.

Бошлиғинг күнглини бил сен,  
Кетма пинжидаи нари,  
Пайтини топсанг мабодо,  
Бирга юэта-юэта қил.

Бил, сенга бу беш насиҳат,  
Энг асосий қоида:  
Қўлни ишга моҳир этма,  
Тилни гапга уста қил.

## **СОЧ МАДХИ**

(«Күлгү мушоиралари»дан)

Бир замонлар фахр этардинг  
    Қоп-қаро сочинг билан,  
Сен букуи қошимдадурсан  
    Турфа қирмочинг билан.

Учрамас бундоқ гаройиб  
    Партав афшон бош сира,  
Кез Ироқ бирлан Ажамни,  
    Румни Чинмочин билан

Маслаҳат, сенга букундан  
    Бир асо даркор экан,  
Кулса ёшлар түпланиб,  
    Қувғайсан оғочинг билан.

Йўқса ўтганда ялангбош  
    Кўчаю бозордан,  
Ҳаммани безор қилурсан  
    «Пўшт»у «қоч-қоч»инг билан...

Дүстгинам, бошиңни тик тут,  
Арзигай фахр айласанг  
Бу каби оппоқ очилган  
Гули қийғочинг билан.

## **КҮЧАМЕН**

(«*Күлгү мүшоирапары*»дан)

Хар күча обод, ҳамон мен  
Турфа вайрон күчамен.  
Езда чангистону қишка  
Балчиғистон күчамен.

Күчамен дер бўлсам эвоҳ,  
Кўплар айлар иштибоҳ,  
Билмадим, рост кўчадурмен,  
Еки ёлғон күчамен.

Қанчаларнинг кўзларига  
Чанг-ғуборим тўлдириб,  
Қанчаларнинг этигини  
Тортиб олғон күчамен.

Бир томоним у району  
Бир томоним бу район,  
Бошлиғим кўп, хўп аросат —  
Ичра қолғон күчамен.

Айлади жарроҳи горгаз  
Воҳки, кўксим чок-чок,  
Ким қачон тиккай бу заҳмим,  
Мангу ҳайрон кўчамен.

Икки бошлиқдин мен энди  
Кимга фарёд айлайин?  
Е у томон кўчгум энди,  
Е бу томон кўчамен.

## **БОШИНДАДУР**

(«*Кулгү мушоиралари*»дан)

Үн сакиз минг олам ошуби  
Падар бошиндадир,  
Не ажаб, чун ўғли онинг  
Үн сакиз ёшиндадир.

Най мисол шим кийған ул  
Сандиқдайин туфли билан,  
Хурпайиб турган саватдек  
Соч аниңг бошиндадир.

Ул падар оқ урмасин —  
Нечун ёқосин чок этиб,  
Неки бад феъл бўлса бари  
Ушбу бебошиндадир.

Ўзгалардан кулгай эрди  
Кўча-кўйда бир замон,  
Ақлға юз ҳайрат, эмди —  
Бул унинг қошиндадир.

Үғлидан айларди уммид  
Келтирап раҳмат дебон,  
Барча «раҳмат» әлнинг отган  
Таънаи тошиндадир.

Йўқ ажаб, ёшлиқда ўғлин  
Ота ардоқлаб, суйиб,  
Эркалаб бошига қўйди,  
Ул ҳамон бошиндадир.

## РУБОИЙ

Қаро қошинг, қалам қошинг,  
                  Қийиқ қайрилма қошинг, қиз,  
Қилур қатлимга қасд, қайраб —  
                  Қилич қотил қарошинг, қиз.  
Қафасда қалб қушин қийнаб  
                  Қанот қоқмоққа қўймайсан,  
Қараб қўйғил қиёким,  
                  Қалбни қиздирсин қуёшинг қиз.

Қатра — шабнам, қатра — күз ёш,  
          Қатра — қону қатра—тер,  
Қатра шабнамдек бу шеърим —  
          Күрган эл ҳам қатра дер.

Манглайымдан қатра теру  
          Күзларимдан қатра ёш,  
Ҳам юракдан қатра қон —  
          Тўқдим-да, ёздим қатра шеър.

## **АЗГАНУШ**

*Арман қизига*

Кўрдиму лол бўлди ақлим,  
     Ўнгмиди бу, ёки туш,  
 Бўлса ҳам ўнг сени кўргач  
     Ё бошимдан учди ҳуш.  
 Сен баланд тоғ узра эрдинг  
     Мисли оҳу ёки қуш,  
 Ёлвориб мен пастда дердим:  
     Бир нафас ёнимга туш,  
 Азгануш, ҳой Азганушим.  
     Азганушжон, Азгануш!

Сен хаёлнинг бир дамилик  
     Жилвасиму, чинмидинг,  
 Ё ғазалларда битилган  
     «Ул париваш» сенмидинг?  
 Орази гул, сочи сунбул,  
     Бир тани сийминмидинг?  
 Балки Ширин Ширин эрмас,  
     Сен ўзинг Ширинмидинг?

Азганушим, Азганушжон,  
Азгануш, ҳой Азгануш.

Ұсма қўйдингму қошингга,  
Бунчалар ҳам қорадур,  
Билмадим, бу қошларингдан  
Қанча диллар порадир.  
Раҳм қилғил, битта ўзбек  
Шунчалар ёлворадур,  
Туш ўзинг, ё айт, ёнингга  
Қайси йўлдан борадур.  
Азганушим, Азгануш ҳой,  
Азганушжон, Азгануш.

Боқ, бу тоғлар ортида бир  
Ўлка бордир, кўп йироқ,  
Мен қанотлик йўлчига бу  
Бир нафаслик йўл, бироқ.  
Юр, париваш, мен билан юр,  
Борми сенда иштиёқ?  
Гул тутарман сенга сўлмас —  
Ул чамандан бир қучоқ,  
Азганушим, Азганушжон,  
Азгануш, ҳой Азгануш.

## ФУЗУЛИЙ ФАЗАЛИГА МУХАММАС

Үлмасам зор анга тарки оху зор этмасмидим,  
Ишқ коридан кечиб бир ўзга кор этмасмидим,  
Гар жунун ёр ўлмаса ҳолимдан ор этмасмидим,  
Ақл ёр ўлсайди тарки ишқи ёр этмасмидим.  
Ихтиёр ўлсайди рохат ихтиёр этмасмидим.

Ул руҳи байзолигин савдолигимдан қил қиёс,  
Ул дили хоролигин шайдолигимдан қил қиёс,

Зуҳд эли тақвии муга ошнолигимдан қил қиёс,  
Воизин куфрин баним расволигимдан қил қиёс,  
Анда сидқ үлсайди бан тақво шиор  
этмасмидим.

Йўқ ажабким дардлардин ўзга дардим бордур,  
Бир давоси ўлмоқ онинг бир давоси ёрдур,  
Дема жарроҳ наштари бу, ёр урган хордур,  
Дардими оламда пинҳон тутдигим ичордир,  
Ўғрасайдим бир табиба ошкор этмасмидим.

Эзди ҳижрону маломат, жавру коҳиш кўнглими,  
Овламас дунё ишига зарра хоҳиш кўнглими,  
Не қилай, Эркин, икки ўт ичра қолмиш  
кўнглими,  
Эй Фузулий, доги ҳижрон ила ёнмиш  
кўнглими—  
Лолалар очсайди сайри лолазор этмасмидим.

## НАВОИЙ ҒАЗАЛИГА МУХАММАС

Кўз очар гулшанда ғунча булбул афғон айлагач,  
Нега афғон айлай ул гул юзни тобон айлагач.  
Мисли ойким, кўрк очур сайри шабистон  
айлагач,—

Ҳусни ортар юзда зулфин анбар афшон айлагач,  
Шам равшанроқ бўлур торин паришон айлагач.

Нега ул кун соchlарингни анбар афшон айладинг?  
Рўзигорим тийра, кўзим кавқабистон айладинг?  
Кўлга қўйгачму хинолар ё дилим қон айладинг,  
Юзни гуллардан безабму бизни қурбон  
айладинг,  
Е юзингга тегди қонлар бизни қурбон айлагач.

Меҳр сўндиргач дилида жонни сўзон айлади,  
Ҳуснини обод этиб, кўнглимни вайрон айлади.  
Сеҳр айлаб ошикоро, банди пинҳон айлади,  
Ошикор айлаб юзин кўзимни ҳайрон айлади,  
Ешурун олди кўнгил, кўзимни ҳайрон айлагач.

Мен-ку содиқ маҳрам эрдим оғзи маҳкам,  
күнгли нок,  
Ишқ сирин этмасдим ошкор бўлгунимча тики  
хок,  
Шафқат истаб иола қилдим, онд ичиб ёқамни  
чок,  
Жонда қўйғоч нақди ишқин қилди кўнглимни  
ҳалок,  
Ўлдурур маҳрамни султон ганж пинҳон айлагач.

Нолаю афғонинг, Эркин, дилбарингга етмади.  
Етса ҳам ё бемеҳр ёр зарра парво этмади,  
Битди кўп заҳминг ва лекин ишқ заҳми битмади,  
Эй Навоий, ишқ агар кўнглингни мажруҳ  
этмади,  
Бас, нединким қон келур оғзингдин афғон  
айлағач.